

KERATAN AKHBAR

TARIKH : 29 JULAI 2023
AKHBAR : SINAR HARIAN
MUKA SURAT : 11

Tunggu khabar gembira

Tunggu khabar gembira

PUTRAJAYA - Dasar atau model gaji progresif akan dibentangkan kepada Majlis Tindakan Ekonomi Negara (MTEN) 7 Ogos ini bagi mendapatkan keputusan dasar sebelum ia boleh dilaksanakan, kata Menteri Ekonomi, Rafizi Ramli.

Bercakap kepada media selepas Majlis Pengumuman Laporan Survei Pendapatan Isi Rumah dan Perbelanjaan Isi Rumah

2022 di sini pada Jumaat, beliau berkata, perbincangan antara Kementerian terlibat sudah selesai.

"Apabila keputusan dasar telah diperolehi maka kita boleh umumkan beberapa hala tuju yang utama mengenai gaji progresif," katanya.

Rafizi berkata, antara cadangan awal yang dipertimbangkan ialah kertas putih mengenai kedudukan gaji rakyat dibentangkan di Parlimen pada September depan manakala terlibat urusan dan perbincangan antara pihak majikan dan pekerja dimulakan.

Beliau berkata, walaupun menyedari ada kebimbangan di pihak majikan bahawa pelaksana-



RAFIZI

DASAR GAJI PROGRESIF

an dasar gaji progresif akan menyebabkan kos operasi perniagaan meningkat, kerajaan yakin perkara itu akan dapat diatasi.

"Saya yakin apabila model atau dasar gaji progresif itu kita berjaya dapat keputusannya dan diumumkan konsepnya, majikan juga akan turut gembira.

"Pekerja mahupun majikan akan menerima baik model gaji

progresif yang akan kita cadangkan selepas dapat keputusan dasar," katanya.

Sebelum ini, Rafizi berkata, dasar atau model gaji progresif akan dibangunkan secara bersama membabitkan Kementerian Ekonomi, Kementerian Kewangan, Kementerian Pelaburan, Perdagangan dan Industri serta Kementerian Sumber Manusia.

Sistem gaji progresif adalah peralihan daripada model pemberian upah minimum kepada kenaikan gaji secara berperingkat dan berfasa supaya setanding dengan pertumbuhan ekonomi negara. - *Bernama*